



Broj: 02/1- 7810 /25

Kakanj: 21.10.2025. godine

Na osnovu člana 38. i 118. Statuta Općine Kakanj („Službene novine Općine Kakanj“, broj: 4/08), člana 3., tačka (1), alineja (a) i tačka (3), alineja (a) "Plana interventnih mjera u slučajevima prekomjerne zagađenosti zraka na području Ze-do kantona", (Sl. novine Ze-do kantona br.3/24),
Općinski načelnik donosi:

ODLUKU

o proglašavanju epizode povećanih koncentracija zagađujućih materija u zraku - UPOZORENJE

I

Općinski načelnik na osnovu preporuke ovlaštene stručne institucije i Odluke Operativnog štaba Općine Kakanj na sastanku održanom dana 21.10.2025. godine, proglašava epizodu „UPOZORENJE“.

II

U toku trajanja epizode UPOZORENJE poduzimaju se mjere u skladu sa Planom interventnih mjera u slučajevima prekomjerne zagađenosti zraka na području Ze-do kantona", (Sl. novine Ze-do kantona br.3/24).

III

Odluka o prestanku epizode donijeti će Općinski načelnik na osnovu Odluke Operativnog štaba shodno rezultatima mjerenja koncentracija zagađujućih materija mjerenih na stanicama na području općine Kakanj.

IV

Ova Odluka stupa na snagu danom donošenja.

Prilog:

1. Tabelarni prikaz mjera u epizodi UPOZORENJE

DOSTAVITI:

Subjekti primjene Plana
Mediji Općine
a/a



OPĆINSKI NAČELNIK

Mirnes Bajtarević

Mjera	Odgovornost primjene
Osiguranje da sva postrojenja za proizvodnju toplotne energije snage preko 50 kW koja koriste čvrsta goriva i teška lož ulja, smanje temperaturu u prostorijama koje zagrijavaju na maksimalno 17 °C.	Operatori postrojenja za proizvodnju toplotne energije Nadležne službe za inspekcijske poslove
Smanjenje broja radnih sati tehnoloških postrojenja, sa Liste pogona i postrojenja, kojima namjena nije proizvodnja toplotne energije za grijanje, na minimalno 20%	Pravna i fizička lica sa Liste koja u svojoj djelatnosti emituju zagađujuće materije Nadležne službe za inspekcijske poslove
Po potrebi , osiguranje protoka motornih vozila bez dužeg zadržavanja na glavnim gradskim raskrsnicama putem znakova i naredbi koje daju ovlaštena policijska lica MUP-a	MUP ZDK, policijska uprava Visoko/ Policijska stanica Kakanj
Inteziviranje nadzora nad tehničkom ispravnosti vozila sa stanovništa sumnje na prekomjerno zagađivanje okoline shodno Pravilniku o tehničkim pregledima	MUP ZDK, policijska uprava Visoko/ Policijska stanica Kakanj
Zabrana izvođenja grubih građevinskih radova na otvorenom prostoru	Nadležne službe za inspekcijske poslove
Zabrana saobraćaja za teretna motorna vozila čija je najveća dozvoljena masa preko 3,5 tona na svim saobraćajnicama u užem gradskom jezgru. Ovo se ne odnosi na vozila javnog gradskog prevoza, javnih komunalnih preduzeća, vozila hitnih intervencija i dostavna za prehrambene proizvode. Za vrijeme trajanja zabrane saobraćaja, upravitelji cesta su dužni svaki iz svoje nadležnosti izvršiti postavljanje privremene saobraćajne signalizacije i opreme, uključujući i održavanje iste	MUP ZDK, policijska uprava Visoko/ Policijska stanica Kakanj
Zabrana održavanja organizovanih sportskih i kulturnih aktivnosti na otvorenom prostoru, u cilju smanjenja kretanja i izlaganja stanovništva štetnim materijama, koje vrši organ MUP-a na zahtjev organa nadležnog za poslove zdravstva	MUP ZDK, policijska uprava Visoko/ Policijska stanica Kakanj
Ostale mjere za koje Operativni štab procjeni da mogu doprinijeti poboljšanju kvaliteta zraka	Operativni štab Općine Kakanj